



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՖԻՆԱՆՍՆԵՐԻ ՆԱԽԱՐԱՐ

27 փետրվարի 2014թ.

թիվ 154-Շ

ՀՐԱՄԱՆ

**<<ԵՐԵՎԱՆ-1>> ԱԿ-Ի ՏՆՕՐԵՆԻ ՆԿԱՏՄԱՄԲ ՀԱՐՅՈՒՐ ՀԱՁԱՐ ՀՀ ԴՐԱՄ
ՏՈՒԳԱՆՔ ՆՇԱՆԱԿԵԼՈՒ ՀԱՅՅՈՎ ԴԱՏԱՐԱՆ ԴԻՄԵԼՈՒ ՄԱՍԻՆ**

Հիմք ընդունելով հետևյալ փաստական հանգամանքները՝

1. <<Երևան-1>> ԱԿ-ն խախտել է <<Շահումով խաղերի և խաղատների մասին>> ՀՀ օրենքի 10-րդ հոդվածի 1-ի մասով սահմանված պահանջը, այն է՝ *շահումով խաղի կամ խաղատրան կազմակերպիչը լիազոր մարմին է ներկայացնում յուրաքանչյուր եռամսյակի համար, մինչև տվյալ եռամսյակին հաջորդող ամսվա վերջին օրը, համապատասխան տարածքային հարկային մարմնի տեղեկանքը՝ հաշվետու եռամսյակում հարկերի և օրենքով սահմանված այլ պարտադիր վճարների գծով կազմակերպչի պարտավորությունների մասին,*
2. ՀՀ ֆինանսների նախարարության կողմից <<Երևան-1>> ԱԿ տնօրենի նկատմամբ՝ վերը նշված փաստի կապակցությամբ, 28.11.13թ-ի թիվ 20.2/18244-13 վարչական իրավախախտում կատարելու վերաբերյալ արձանագրություն կազմելու մասին ծանուցումը, որը <<Երևան-1>> ԱԿ-ի տնօրենի կողմից ստացվել է 31.01.2014թ-ին,
3. խախտում կատարելու վերաբերյալ ՀՀ ֆինանսների նախարարության աշխատակազմի լիցենզավորման պայմանների և պահանջների հսկողության տեսչության փաստաթղթերի հաշվառման և վերլուծության բաժնի գլխավոր մասնագետ՝ Արևիկ Թանայանի կողմից 07.01.14թ-ին կազմված թիվ 26 արձանագրությունը, որը 07.02.14թ-ի թիվ 20.2/1633-14 գրությամբ պատշաճ առաքվել է <<Երևան-1>> ԱԿ-ի տնօրենին, սակայն


թիվ RR139220645AM ծրարը՝ հետ է վերադարձվել՝ CN-15 պիտակի վրա <<գյուղից բացակա>> նշագրումով

հաշվի առնելով, որ <<Վարչական իրավախախտումների վերաբերյալ>> ՀՀ օրենքի 189.10 հոդվածով, նույնանման նորմով, որպես սանկցիա նախատեսված է տուգանք 100.000 ՀՀ դրամ գումարի չափով, առաջնորդվելով <<Շահումով խաղերի և խաղատների մասին>> ՀՀ օրենքի 13-րդ հոդվածի 4-րդ մասով՝

Հ Ր Ա Մ Ա Յ ՈՒ Մ Ե Մ

1. Հանձնարարել ՀՀ ֆինանսների նախարարության աշխատակազմի լիցենզավորման պայմանների և պահանջների հսկողության տեսչությանը <<Երևան-1>> ԱԿ-ի տնօրեն Արման Գիգոյանի նկատմամբ 100.000 ՀՀ դրամ տուգանք նշանակելու հայցով դիմել դատարան:
2. Սույն հրամանը կարող է բողոքարկվել վարչական կարգով սույն հրամանն ուժի մեջ մտնելու օրվանից վեց ամսվա ընթացքում կամ դատական կարգով՝ օրենքով սահմանված ժամկետներում:

ՆԱԽԱՐԱՐ



Դ. ՍԱՐԳՍՅԱՆ